



Nicolaus ex nobili familia apud Saxones natus est anno circiter 1495. Is cum optima indole esset præditus, sese post prima literarum iacta fundamenta in nouam academiam Vuitenbergensem contulit, atque diligenter sacrae Theologiae incumbere coepit. idque tum potissimum, cum Lutherus prima sua themata contra pontificis indulgentias euulgasset. Itaque cum postea anno Domini millesimo quingentesimo uigesimo primo Augustinienses monachi Missarum usum intermisissent, atque Fridericus princeps timeret, ne turbæ quædam inde excitarentur, academiæ iniunxit, ut diligenter huius rei causam inuestigarêt: Ad eam rem

Nicolaus cum Melanchtone deputatus. Is cum rem intellexisset, principi significauit, & ut idem in alijs Saxonis Ecclesijs fieret, consuluit. Postea sacras literas sibi familiares reddidit, & sacrae Theologiae Doctor Vuitenbergæ creatus fuit. Erat is magna prudentia & uitæ integritate insignis.